

Na osnovu člana 15. Zakona o principima lokalne samouprave u Federaciji Bosne i Hercegovine („Službene novine Federacije Bosne i Hercegovine“, broj: 49/06 i 51/09), člana 71, 124. i 125. Statuta Općine Vogošća („Službene novine Kantona Sarajevo“, broj: 27/14 – Prečišćen tekst, 14/15, 9/20 i 23/24), Pravilnika o ostvarivanju prava na jednokratnu novčanu pomoć za sufinansiranje liječenja osoba oboljelih od rijetkih i teških bolesti Općine Vogošća, broj: 09-31-1242/25 od 13.06.2025.godine, Odluke o izvršavanju Budžeta Općine Vogošća za 2025. godinu („Službene novine Kantona Sarajevo“, broj: 1/25), tačke 20. Smjernica o minimalnim standardima dodjele budžetskih sredstava putem transfera i subvencija u Federaciji Bosne i Hercegovine („Službene novine Federacije BiH“, broj: 37/24) i Odluke Općinskog načelnika o načinu primjene smjernica o minimalnim standardima dodjele budžetskih sredstava putem transfera i subvencija u Federaciji Bosne i Hercegovine, broj: 02-02-575/25 od 15.04.2025. godine, Općinski načelnik Općine Vogošća, objavljuje

JAVNI POZIV

za dodjelu jednokratne novčane pomoći za sufinansiranje liječenja osoba oboljelih od rijetkih i teških bolesti

I – PREDMET JAVNOG POZIVA

Predmet Javnog poziva je dodjela jednokratne novčane pomoći za sufinansiranje liječenja osoba oboljelih od rijetkih i teških bolesti. Pomoć će biti dodijeljena u skladu sa raspoloživim sredstvima u Budžetu Općine Vogošća za 2025. godinu, shodno podnesenim zahtjevima.

II – FINANSIJSKA SREDSTVA

Finansijska sredstva za dodjelu jednokratne novčane pomoći za sufinansiranje liječenja osoba oboljelih od rijetkih i teških bolesti raspoređivat će se u skladu sa Pravilnikom o kriterijima i raspodjeli novčanih sredstava za dodjelu jednokratne novčane pomoći za sufinansiranje liječenja osoba oboljelih od rijetkih i teških bolesti Općine Vogošća, (u daljem tekstu: Pravilnik) sa budžetske pozicije:

- 614239 – sredstva za sufinansiranje liječenja od rijetkih i teških bolesti;

Ukupan iznos planiranih sredstava u Budžetu Općine Vogošća za 2025. godinu iznosi 30.000,00 KM.

Visina iznosa jednokratne novčane pomoći je utvrđena Pravilnikom.

III – USLOVI ZA OSTVARIVANJE PRAVA

Uslovi za ostvarivanje prava na jednokratnu novčanu pomoć za sufinansiranje liječenja osoba oboljelih od rijetkih i teških bolesti na osnovu Pravilnika su:

- (1) da je podnosilac zahtjeva državljanin Bosne i Hercegovine;
- (2) da podnosilac zahtjeva ima prijavljeno prebivalište na području općine Vogošća najmanje 1 (jednu) godinu neposredno prije podnošenja prijave na javni poziv;
- (3) dokaz da je podnosilac zahtjeva obolio od rijetke i teške bolesti (nalaz i mišljenje izdato od Instituta za medicinsko vještačenje sa izjašnjenjem da se radi o rijetkoj i teškoj bolesti);
- (4) dokaz o potrebi liječenja osobe u BiH ili van teritorija BiH, koji zahtjeva veća novčana sredstva (predračun za troškove liječenja);
- (5) da ukupna mjesečna primanja porodičnog domaćinstva ne prelaze iznos jedne prosječne plaće ostvarene u Federaciji BiH prema posljednjim statističkim pokazateljima, osim u izuzetnim i opravdanim okolnostima koje će se cijiniti u svakom konkretnom slučaju.

IV – POTREBNA DOKUMENTACIJA

Prilikom prijave na ovaj Javni poziv potrebno je da podnosioci zahtjeva prilože sljedeću dokumentaciju u originalu ili ovjerenoj fotokopiji:

- Čitko popunjen i potpisan propisani obrazac zahtjeva, koji je sastavni dio ovog Javnog poziva;
- Kućna lista;
- Potvrda o prijavi mjesta prebivališta – CIPS (službeno);

- Uvjerenje o državljanstvu za podnosioca zahtjeva (ne starije od 6 mjeseci);
- Uvjerenje o kretanju – prebivalištu za podnosioca zahtjeva (ne starije od 3 mjeseca);
- Potvrda o visini primanja za zaposlene članove zajedničkog domaćinstva;
- Uvjerenje o primanjima putem Službe za boračko-invalidsku i socijalnu zaštitu (službeno);
- Uvjerenje o primanjima putem Službe socijalne zaštite općine Vogošća (službeno);
- Dokaz da je osoba oboljela od rijetke i teške bolesti (nalaz i mišljenje izdato od Instituta za medicinsko vještačenje sa izjašnjenjem da se radi o rijetkoj i teškoj bolesti);
- Dokaz o potrebi liječenja osobe u BiH ili van teritorija BiH, koji zahtjeva veća novčana sredstva (predračun za troškove liječenja);
- Potvrda banke o otvorenom tekućem računu na ime podnosioca zahtjeva.

V – POSTUPAK DODJELE JEDNOKRATNE NOVČANE POMOĆI

- 1) Postupak za dodjelu jednokratne novčane pomoći provodi Komisija imenovana od strane Općinskog načelnika.
- 2) Nakon provedenog postupka utvrđivanja ispunjavanja svih propisanih uslova, Općinski načelnik, putem nadležne Službe, donosi Rješenje o ostvarivanju prava na jednokratnu novčanu pomoć za lice koji je ispunilo sve propisane uslove u skladu sa Pravilnikom o kriterijima i raspodjeli novčanih sredstava za dodjelu jednokratne novčane pomoći za sufinansiranje liječenja osoba oboljelih od rijetkih i teških bolesti i ovim Javnim pozivom, a na prijedlog Komisije.
- 3) Na osnovu Zaključka o ostvarivanju prava na jednokratnu novčanu pomoć lice ostvaruje pravo na direktnu uplatu dodijeljenih sredstava iz Budžeta Općine za tekuću kalendarsku godinu.
- 4) Zahtjevi koji ne ispunjavaju uslove za dodjelu novčanih sredstava, kao i zahtjeve podnesene nakon utroška planiranih budžetskih sredstava predviđenih za ove namjene, odbijaju se Zaključkom Općinskog načelnika putem nadležne Službe, a na prijedlog Komisije.
- 5) Protiv Zaključka o nepriznavanju prava na jednokratnu novčanu pomoć može se izjaviti žalba Drugostepenoj stručnoj komisiji Općinskog vijeća u roku od 15 dana od dana prijema Zaključka
- 6) Podneseni zahtjev važi samo za kalendarsku godinu u kojoj je zahtjev podnešen

VI – POSTUPAK PODNOŠENJA ZAHTJEVA

Zahtjeve sa dokumentacijom traženom ovim Javnim pozivom podnose se direktno na protokol Općine Vogošća ili putem pošte na adresu:

OPĆINA VOGOŠĆA
Služba za boračko-invalidsku i socijalnu zaštitu
Ulica Jošanička broj 80
71320 Vogošća


sa naznakom: „**Prijava na Javni poziv za dodjelu jednokratne novčane pomoći**
za sufinansiranje liječenja osoba oboljelih od rijetkih i teških bolesti“

Javni poziv ostaje otvoren do kraja tekuće kalendarske godine, odnosno do 31.12.2025. godine ili do utroška planiranih budžetskih sredstava.

Sve dodatne informacije vezane za Javni poziv mogu se dobiti svakim radnim danom, pozivom na brojeve telefona 033/586-470 ili 033/586-471 ili direktno u prostorijama Službe za boračko-invalidsku i socijalnu zaštitu (II sprat, kancelarija broj 40 i 42).

Nepotpuna i neblagovremena dokumentacija neće se uzimati u razmatranje.

Broj: 09-31-1242/25
 Vogošća, 20.06.2025.godine

OPĆINSKI NAČELNIK

Migdad Hasanović